

歷代史表

冊一

歷代史表

國朝通志

# 四部備要

史部

上海中華書局據原刻足

本校刊

桐鄉 陸費達總勘

杭縣 吳高時顯輯校

杭縣 丁輔之監造

欽定四庫全書提要

臣等謹案歷代史表五十三卷

國朝萬斯同字季野鄞縣人是書以十七史自後漢書至五代史惟新唐書有表餘皆闕如故各爲補撰宗史記前漢書之例作諸王世表外戚侯表外戚諸王世表異姓諸王世表將相大臣及九卿年表宗新唐書之例作方鎮年表諸鎮年表其宦者侯表大事年表則斯同自創之例也其書自正史本紀志傳以外參考唐六典通典通志通鑑冊府元龜諸書及各家雜史次第彙載使列朝掌故端緒釐然於史學殊爲有助考自宋以前惟後漢書有熊方所補年表他如鄭樵通志年譜僅記一朝大事及正閏始末其於諸王諸將相公卿大臣興廢拜罷之由率略而不書近人作十六國年表亦多舛漏其網羅繁富類聚區分均不及斯同之賅備惟晉書旣補功臣世表則歷代皆所當補十六國如成趙燕秦既有將相大臣年表則十國如南唐南漢北漢閩蜀不當獨闕又魏將相大臣中不載

上大將軍五代諸王世表獨闢後漢注謂後漢子弟未嘗封王然考承訓  
追封魏王承勳追封陳王與後周鄭杞越吳諸王事同一例何以獨削而  
不登是皆其偶有脫略者然核其大體則精密者居多亦所謂過一而功  
十者矣

乾隆五十一年五月恭校上

總纂官臣紀昀

臣陸錫熊

臣孫士毅

序

易編年爲紀傳古史之法微矣其遺意猶存者吾於表有取焉表或年經而國緯或國經而年緯或主地或主時或主世系事微不著者錄而見之劉知幾曰於帝王則敘其子孫於公侯則紀其年月列行榮紂以相屬編字戢眷而相排使讀者閱文便覩舉目可詳此其所以爲快也乃又詘其煩費無用得之不爲益失之不爲損豈篤論乎班固而後表多闕焉不作伏無忌黃景之諸王王子功臣恩澤侯表邊韶崔實延篤之百官表作矣而不傳袁希之之漢表熊方之後漢表李燾之歷代宰相年表補前人之闕矣而未備成學之人欲覽其要不得未嘗勿憾焉鄭人萬斯同字季野取歷代正史之未著表者一一補之凡六十篇益以明史表一十三篇攬萬里於尺寸之內羅百世於方冊之間其用心也勤其考稽也博俾覽者有快於心庶幾成學之助而無煩費無用之失者與昔之論史者每以漢書古今人物表爲非然韓祐續之猶見收於唐志矧季野所編皆歷代正史所必不可少者用以鏡當世之得失雖附諸史並頒之學宮

奚不可也

康熙壬申歲季春秀水朱彝尊譔

序

自科舉之學盛而史學遂廢昔蔡京蔡卞當國欲絕滅史學卽資治通鑑板亦議毀之然而不能今未嘗有史學之禁而讀史者顧無其人由是而歎人才之日下也憶余十九二十歲時讀二十一史每日丹鉛一本遲明而起雞鳴方已蓋兩年而畢然付性魯鈍一傳未終已迷其姓氏者往往有之朱子云思慮計畫者魄之爲也記憶辨别者魄之爲也固知余之魄弱也先忠端公就逮時途中謂某曰汝近日心麤不必看時文且將架上獻徵錄涉略可也自後三年始讀二十一史因先公之言也夫二十一史所載凡經世之業亦無不備矣然其間缺略甚多司馬遷創爲本紀志表列傳諸史皆因之後漢卽有志而無表三國表志並無矣以南朝而言晉宋齊梁陳皆無表梁陳并無志也以北朝而言魏齊周隋皆無表齊周并無志也唐之志表極詳五代旣無表而司天職方二考則律曆五行地理三志之略其他不能及宋遼金元志表俱備然據所可考者作表不計詳略豈非讀史者之憾乎是故杜氏通典鄭樵通志文獻通考皆

足以補史志之缺文而補表者古今以來無其人也宋謝翹嘗采獨行作秦漢之際月表今亦亡矣卽以志而論傳世久遠亦多錯誤如漢律曆志統母誤爲統法見日法誤爲月法見月日法誤爲日法至於除法尤爲錯亂余推冷州鳩七律方爲之改正後漢律曆志所列元紀蔀章之法以乾鑿度較之大概不合同出於四分而鑿度可推曆志不可推其爲誤也多矣四明萬季埜吾友履安先生之少子也先生以文章風節高天下而季埜克繼之其讀書五行並下弘羊潛計安世默識季埜準之誠不足怪而尤熟於明室之典故會修明史當事諸公無不咨其博洽嘗慨二十一史多無表乃悉從而補之得六十卷誠不朽之盛事大有功於後學者也余憶崇禎己巳於陳眉公坐上遇許子洽有明館閣九卿年表初成見之以爲奇書此不過目前一代之考索而季埜能追考於千載之上豈不謂尤奇耶余向讀史時嘗有意爲斯事忽忽未果嘉季埜之克成余志也故爲敘之如此

康熙壬申歲季秋姚江黃宗羲太沖譔

序

太史公撰史記上自黃帝至本朝又以並時異世年差不明作十表內分爲世表年表月表班氏撰漢書稍變其體作八年表然蘭臺嘗述本朝而乃更次第古今人物此則可已也及范蔚宗作後漢書所注意惟在列傳諸論贊雖入志尚謂不盡前此撰東漢二十二家亦惟邊韶崔寔嘗有百官表蔚宗亦改爲百官志而表遂闕焉陳壽而下卽志猶未備至唐書始復作表然其所載大臣世家裒然數卷於國史中詳作宰相家乘亦何謂也後五代書復無表宋司馬文正公旣作通鑑亦以編年之書雜記衆國事差次不齊因倣太史公年表例采其大事精語年經月緯作爲目錄三十卷而後史家之事備焉吾友萬履安先生以文章節義領袖東南有子八人皆好學而少子季野尤穎異甫總角輒能讀父書弱冠時愴後漢書無表因補作諸王功臣世表外戚宦官侯表及將相大臣九卿年表凡四篇自後遂遍作三國晉宋齊梁陳魏北齊周隋下及五代凡六十篇而他僭竊諸國亦附見焉季野於史學可謂勤矣夫蘭臺生於東漢

去西京不遠本朝文獻方策未亡然其王子侯表尚有失書侯所食邑名者某人嗣不具年月者百官表有姓名不具者失載遷免者俱爲史之闕文今季野生千載而後惟從故籍中精覽詳稽心通本末定其世次歲月以補前人所未有其事益難太史公論作史之法一曰深思一曰深考蓋從來著述家未有不審於經營慎於證辨而能成一家之書者也季野益習於明三百年文獻又嘗作開國以後至監國行朝功臣將相內外諸大臣年表以備史官採錄適季野修吾鄉郡乘先覽舊書諸列傳見所載某年先輩爲某官行事季野隨覽隨判其上曰是年某月此公已遷去代者爲某何得以甲冒乙如是甚多他人覆驗之不爽日月季野第六兄充宗博通經學每讀一經輒盡集古今先儒諸說擇其言尤精者率蚊脚細書歲積至十餘卷所譏儀禮商周官辨非春秋私說諸書爭爲學者傳錄萬氏兄弟於經史之學若此其視今世學者爲何如也

康熙丙辰歲季春同里李鄴嗣杲堂譔

歷代史表目錄

卷一 東漢

諸帝統系圖

諸王世表

外戚侯表

卷二 東漢

雲臺功臣侯表

宦者侯表

卷三 東漢

將相大臣年表

卷四 東漢

九卿年表

卷五 三國

漢季方鎮年表

卷六 三國

大事年表

卷七 三國

魏國將相大臣年表

魏將相大臣年表

卷八 三國

魏方鎮年表

卷九 三國

漢將相大臣年表

卷十 三國

吳將相大臣年表

卷十一 三國

三國諸王世表

卷十二 晉

諸帝統系圖

諸王世表

卷十三 晉

功臣世表

卷十四 晉

將相大臣年表

卷十五 晉

東晉將相大臣年表

卷十六 晉

方鎮年表

卷十七 晉

東晉方鎮年表

卷十八 晉

僭僞諸國世表

卷十九 晉

僭僞諸國年表

卷二十 晉

僞漢將相大臣年表

卷二十一 晉

僞成將相大臣年表

卷二十二 晉

僞趙將相大臣年表

卷二十三 晉

僞燕將相大臣年表

卷二十四 晉

僞秦將相大臣年表

卷二十五 晉

僞後秦將相大臣年表

卷二十六 晉

僞後燕將相大臣年表

卷二十七 晉

僞南燕將相大臣年表

卷二十八 宋

諸王世表

卷二十九 宋

將相大臣年表

卷三十 宋

方鎮年表

卷三十一 齊

諸王世表

卷三十二 齊

將相大臣年表

卷三十三 齊

方鎮年表

卷三十四 梁

諸王世表

卷三十五 梁

將相大臣年表

卷三十六 陳

諸王世表